



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՈՍՏԻԿԱՆՈՒԹՅԱՆ
ՊԱՐԵԿԱՅԻՆ ԾԱՌԱՅՈՒԹՅՈՒՆ**

0090, ք.Երևան, Շոպրոնի 77, Հեռ.

N 91/187

05.0 2022թ.

Անդրանիկ Դովլաթյանին
Հասցե՝ ք. Երևան, Մալաթիա-Սեբաստիա,
Միքայելյան փող, 16/1 տ

Ուղարկում եմ Ձեր դիմումը հիման վրա ՀՀ ոստիկանության պարենկային ծառայության իրավաբանական բաժանմունքում իրականացված վարչական թուղթահանման փուլում ստացված հիվ 880045470 վարչական ակտի ակտիվով. իմ վարչական թուղթը առանց բանադատման թողնելու մասին որոշում:

Ձերդ՝ «Շոպրոն»

Պետ,
ոստիկանության գնդապետ՝

 **Խ. Ումրչատյան**

Կատ. Հ. Հարությունյան
010-30-42-02

Ո Ր Ո Շ ՈՒ Մ

ՀՀ ոստիկանության պարեկային ծառայության վարչական իրավախախտման վերաբերյալ գործով 05.11.2021թ-ին կայացված 8180045470 որոշումն անփոփոխ, իսկ վարչական բողոքն առանց բավարարման թողնելու մասին

<<05>> 01 2022թ.

ք.Երևան

ՀՀ Ոստիկանության Պարեկային ծառայության պետ, ոստիկանության գնդապետ Ա. ՌԻՄՇԱՏՅԱՆՍ, վերանայելով Անդրանիկ Դովլաթյանի դիմումի քննարկման արդյունքում ստեղծված նյութերը,

Պ Ա Ր Զ Ե Ց Ի

05.11.2021թ. ժամը 12:30-ի սահմաններում Երևան քաղաքի Մաշտոցի պողոտայում քաղաքացի Անդրանիկ Դովլաթյանի վարած <<Տոյոտա>> մակնիշի 05MD050 հաշվառման համարանիշի տրանսպորտային միջոցը կանգնեցվել է Պարեկային ծառայության Երևան քաղաքի գնդի Հետախուզական Հատուկ Խմբի ավագ տեսուչ Սարգիս Հովսեփյանի կողմից, կարմիր և (կամ) կապույտ լուսային ազդանշանով առկայծող փարոսիկներ միացրած և միաժամանակ հատուկ ծայնային ազդանշաններ արձակող տրանսպորտային միջոցին ճանապարհը չզիջելու համար:

Պարեկային ծառայության Երևան քաղաքի գնդի 3-րդ գումարտակի 1-ին վաշտի ավագ պարեկ Սեյրան Ալեքսանյանի կողմից վարորդի նկատմամբ կազմվել է վարչական իրավախախտման վերաբերյալ արձանագրություն և <<Վարչական իրավախախտումների վերաբերյալ>> ՀՀ օրենսգրքի 124-րդ հոդվածի 4-րդ մասի համաձայն, կայացվել է որոշում՝ վերջինիս 20.000 ՀՀ դրամի չափով տուգանելու մասին:

Երևան քաղաքի Մալաթիա-Սեբաստիա, Միքայելյան 16/1 տ. բնակիչ Անդրանիկ Դովլաթյանը դիմումով խնդրել է անվավեր ճանաչել պարեկային ծառայության վարչական իրավախախտման վերաբերյալ գործով 05.11.2021թ-ին կայացված թիվ 8180045470 որոշումը այն պատճառաբանությամբ, որ ազդանշանները լսելիս կարծել է իրեն <կանգ> հրահանգ է տրվում, այդ պատճառով է տրանսպորտային

միջոցը կանգնեցրել և արձանագրությունը կազմվել է այլ ծառայողի կողմից, որը իրավախախտման ժամանակ տվյալ վայրում չի եղել:

Պարեկային ծառայության Երևան քաղաքի գնդի Հետախուզական Հատուկ խմբի ավագ տեսուչ Սարգիս Հովսեփյանի կողմից տրված պարզաբանման համաձայն՝ նշված օրը ծառայություն իրականացնելիս Մաշտոցի պողոտա-Բյուզանդի փողոց խաչմերուկում <<Տոյոտա>> մակնիշի 05MD050 հաշվառման համարանիշի տրանսպորտային միջոցի վարորդին լուսաձայնային ազդանշան է տրվել ճանապարհը զիջելու համար, որը չի իրականացվել, այնուհետև փորձ է արվել շրջանցել նշված տրանսպորտային միջոցին երթևեկելի մասի այլ գոտի վերադասավորվելով, սակայն նշված տրանսպորտային միջոցը նույնպես զբաղեցրել է տվյալ երթևեկելի գոտին՝ այդպիսով խոչընդոտելով իրենց երթևեկությանը: Տրանսպորտային միջոցը կանգնեցվել է իրենց կողմից, կարգախումբ է հրավիրվել իրավախախտումն արձանագրելու համար:

Պարեկային ծառայության Երևան քաղաքի գնդի 3-րդ գումարտակի 1-ին վաշտի ավագ պարեկ Սեյրան Ալեքսանյանի կողմից տրված պարզաբանման համաձայն՝ նշված օրը ծառայություն է իրականացրել Երևան քաղաքի կենտրոն վարչական շրջանում, Օպերատիվ Կառավարման Կենտրոնից հրահանգ է ստացել մոտենալ Մաշտոցի պողոտա կատարված իրավախախտումն արձանագրելու համար: Անդրանիկ Դովլաթյանի կողմից կատարված իրավախախտման համար կազմվել է վարչական իրավախախտման վերաբերյալ արձանագրություն և կայացվել է համապատասխան որոշումը, սակայն վերջինս չի համաձայնվել վարչական իրավախախտման վերաբերյալ կազմված արձանագրության հետ և իրացնելով <<Վարչարարության հիմունքների և վարչական վարույթի մասին>> ՀՀ օրենքի 38-րդ հոդվածի 1-ին մասով իրեն վերապահված իրավունքը՝ արձանագրության իրավախախտի համար նախատեսված հատվածում հայտնել է իր անհամաձայնությունը կազմված արձանագրության վերաբերյալ:

Դիմումի քննարկման արդյունքում պարզվել է, որ վարչական իրավախախտման վերաբերյալ գործով 05.11.2021թ-ին կայացված 8180045470 որոշումը ենթակա է կատարման հետևյալ պատճառաբանությամբ՝

<<Հայաստանի Հանրապետության ճանապարհային երթևեկության կանոնները և տրանսպորտային միջոցների շահագործումն արգելող անսարքությունների ցանկը հաստատելու մասին>> ՀՀ կառավարության 28.06.2007թ-ի թիվ 955-Ն որոշման հավելված N 1-ի 29-րդ կետի հանձայն՝ կապույտ և կարմիր գույների առկայծող փարոսիկներ և հատուկ ձայնային ազդանշան միացրած տրանսպորտային միջոց մոտենալու դեպքում վարորդները պետք է իջեցնեն արագությունը և զիջեն ճանապարհը՝ նշված, ինչպես նաև դրանով ուղեկցվող տրանսպորտային միջոցների անխոչընդոտ անցումն ապահովելու համար:

<<Վարչական իրավախախտումների վերաբերյալ>> ՀՀ օրենսգրքի 124-րդ հոդվածի 4-րդ մասի համաձայն՝ կարմիր և (կամ) կապույտ լուսային ազդանշանով առկայծող փարոսիկներ միացրած և միաժամանակ հատուկ ձայնային

ազդանշաններ արձակող տրանսպորտային միջոցին ճանապարհը չզիջելը առաջացնում է տուգանքի նշանակում՝ սահմանված նվազագույն աշխատավարձի քսանապատիկի չափով:

<<Հայաստանի Հանրապետության ճանապարհային երթևեկության կանոնները և տրանսպորտային միջոցների շահագործումն արգելող անսարքությունների ցանկը հաստատելու մասին>> ՀՀ կառավարության 28.06.2007թ.-ի թիվ 955-Ն որոշման հավելված N 1-ի 39-րդ կետի հանաձայն՝ վերադասավորման ժամանակ վարորդը պետք է ճանապարհը զիջի համընթաց, հարևան երթևեկության գոտիներով առանց ուղղությունը փոխելու երթևեկող տրանսպորտային միջոցներին:

Այսպիսով, դիմումատուի արարքում առկա են <<Վարչական իրավախախտումների վերաբերյալ>> ՀՀ օրենսգրքի 124-րդ հոդվածի 4-րդ մասի հատկանիշները, ուստի ելնելով վերոգրյալից և ղեկավարվելով <<Վարչական իրավախախտումների վերաբերյալ>> ՀՀ օրենսգրքի 293-րդ հոդվածի 1-ին մասի 1-ին կետով՝

Ո Ր Ո Շ Ե Ց Ի

1. Պարեկային ծառայության վարչական իրավախախտման վերաբերյալ գործով 05.11.2021թ. կայացված թիվ 8180045470 որոշումը թողնել անփոփոխ, իսկ վարչական բողոքն առանց բավարարման:
2. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան օրենքով սահմանված կարգով և ժամկետներում:
3. Սույն որոշման օրինակն ուղարկել Անդրանիկ Դավլաթյանին և պարեկային ծառայության Երևան քաղաքի գունդ:

Պետ,
ոստիկանության գնդապետ՝



Ա. Ումրշատյան